

MAWU OTSOGOLERA

Chichewa litiilicha ndi phunziro limodzi mu chiyankhulo cha Chichewa lomwe linakhazikitsidwa pofuna kuthandiza anthu (ophunzira komanso aphunzitsi) ndi ena okonda kuwerenga Chichewa azitha kuphunzira komanso kuyamikira za moyo wawo ndi wa ena, makhalidwe ndi zikhulupiliro zanthu ngati a Malawi komanso za chiFilika potengera kuti zanthu zochita nzofanana.

Litiilicha ndi losangalatsa komanso lofuna munthu kufatsa posathula popeza imapanga mawu komanso kugwiritsa mawu a chiyankhulo posatsata malamulo a chiyankhulowo. Phunziroli limanthandiza kuganiza mozama.

ZA MKATIMU

a. NTHONDO

- **Kusanthula ampangankhani**
- **Malo**
- **Mfundo zikuluzikulu**
- **Zipangizo**
- **Matanthauzo a mawu ogwiritsidwa ntchito**

b. Chamdothi ndi Zisudzo zina

- **Atengambali (makhalidwe awo)**

- **Malo ndi nthawi**
- **Phunziro (maphunziro)**

NTHONDO

Liwu loti **Nthondo** limatanthauza timbewu tomwe timamera kuchokera ku njere, monga fodya, mpiru kapena tomato.

Nthondo ndi buku lomwe mwininkhani kapena mpangankhani wamkulu komanso wosintha *Nthondo* akukambidwa kuyambira *kubadwa kwake, atate ake, ubwana wake, maulendo ake, kukula kwake* ndi *ufumu wake*. Tikuphunzira moyo wake okondedwa pokhala yekha mwana wam'muna kubanja la kwawo, makhalidwe ake oipa komanso abwino pomwe anasandulika khirisitu ndi momwe ukhirisitu wake ndi ufumu wake udzasinthira mudzi wa Chembe.

Ampangankhani

Dzina (munthu kapena nyama) lomwe limapangitsa kuti nkhani ikhalepo, ndipo mainawa amakhala a mitundu ingapo monga:

a. Wamkulu

Ndi munthu yemwe amaposa ampangankhani onse ndipo ndiye amakhala phata la nkhani.

b. Wotsutsa

Ndi mpangankhani yemwe akunyenga (kunamiza), kusokoneza kapena kuchita zinthu zolimbana ndi mpangankhani wamkulu.

c. Wosasintha

Ndi munthu yemwe amakhala chimodzimodzi kuyambira pa chiyambi mpaka pa mathero a nkhani.

d. Wopaza

Ndi mpangankhani yemwe sachita zambiri ndipo atha kufotokozeredwa m'mawu owerengeka a nkhani.

e. Wakathithi

Yemwe amatambasulidwa kwambiri m'nkhani komatu amakhala wa khalidwe lovuta kulimvetsa ndipo n'chifukwa chake nkovuta kumuzukuta ndiponso kufotokoza za iyeyu.

f. Wosintha

Yemwe amatambasulidwa kwambiri komanso atha kusintha m'kati mwake mwa m'nkhani.

KUZUKUTA BUKU LA NTHONDO MUTU NDI MUTU

MUTU 1

KUBADWA KWAE

Kubadwa kwa Nthondo kudabweretsa chimwemwe komanso kudzamitsa chikondi pa banja la makolo ake komanso pamudzi

onse makamaka kwa atsibweni ake a Chembe omwe adapeza mphwawo.

1. Ampangankhani

- Nthondo
- Akazi onse a m'mudzi mwa amake
- Mchemwali wawo wa abambo ake a Nthondo
- Mnyamata wokanena za kubadwa kwa Nthondo
- Anthu a kwawo kwa abambo ake a Nthondo
- Achemwali awo a make a Nthondo

2. Malo ndi Nthawi

- Mudzi mwa amake a Nthondo
- Usiku, madzulo

3. Mfundo zikuluzikulu

- Kuyamikira
 - ✓ Kaonekedwe kokongola ka Nthondo
- Chikondi
 - ✓ Anthu ndi abale kudzaona Nthondo atabadwa.
 - ✓ Akazi a m'mudzi kugwirira ntchito zofunika mai ake a Nthondo.
- Kusereula

- ✓ Pomwe akuchimuna amanena za mchombo ya Nthondo.
- Kukayikira
 - ✓ Pomwe ankafunsitsa ngati mnthenga adatumizidwa kukanena za Nthondo kwawo kwa abambo ake.
- Chisangalalo
 - ✓ Anthu adasangalala ndi kubadwa kwa Nthondo popeza anali mwana osililitsa.
 - ✓ Amayi ake a Nthondo popeza adali ndi mwana wam'muna tsopano.

4. Zipangizo

- Mikuluwiko
 - ✓ Chakudza sichiimba ng'oma.
 - ✓ Kumbuyo kulibe maso.
- Chining'a
 - ✓ Kutenga yani
- Mifuwu
 - ✓ Ha!
 - ✓ He!
 - ✓ Hede!
- Mimvekero

✓ Phu!

✓ Thi!

✓ Vuulu

5. Matanthauzo a mawu

- Vuulu – mawu osonyeza mmene munthu amavuulira kapena kuchotsera chinthu mmadzi.

MUTU 2

ATATE AKE

Mutuwu ukufotokoza za moyo wa atate ake a Nthondo, makhalidwe awo monga kucheza bwino ndi anthu, maluso komanso maloto awo.

1. Ampangankhani

- Bambo ake a Nthondo
- Nthondo
- Apongozi awo a bambo ake a Nthondo
- Mlezi wa Nthondo
- Mwini maula
- Eni ake ntchire
- A Mwalapa

- Atsibweni ake a Nthondo
- Kapitawo
- Mtsogoleri wa anthu opita kumunda
- Nkhoswe za kuchikazi komanso kuchimuna

2. Malo

- Pa mtsinje
- Panjira
- Manda

3. Mfundo zikuluzikulu

- Mkangano
 - ✓ Pofuna kupereka dzina la mwana Nthondo, akuchikazi komanso akuchimuna amafuna kuti ndiwo apereke.
- Kufunira mwana moyo wanthanzi
 - ✓ Pomwe bambo ake a Nthondo adayetsa kupeza mankhwala mwa anzawo.
- Zikhulupiriro
 - ✓ Kuombeza maula
 - ✓ Mankhwala azitsamba omwe amamupatsa Nthondo akadwala.
- Nkhanza

- ✓ Atsibweni (a Chembe) ake a Nthondo pomwe amamenya munthu mpaka kupheratu akapanda kuwavomereza zofuna zawo (akasemphana maganizo).
- Chisangalalo
 - ✓ Mfumu imakondwera ndi Nthondo chifukwa Ankadziwa kuti ndiye adzakhale mfumu.
 - ✓ Mbale wawo wa abambo ake a Nthondo atachira, anthu adasangalala.
- Chikoka
 - ✓ Kukongola kwa Nthondo
- Milandu
 - ✓ Kulumidwa kwa abambo ake a Nthondo ndi chilombo mu ntchire la eni.
 - ✓ Kuvomereza kwa eni ntchire posanena za chilombocho.
- Chisoni
 - ✓ Kudwala komanso kumwalira kwa bambo ake a Nthondo.
- Kugonjera

- ✓ Kuvomereza wa mulandu mwinintchire
- ✓ Kuvomereza mlandu make a Nthondo

4. Zipangizo

- Zining'a
 - ✓ Osalawa nsima.
 - ✓ Akatsukire m'kamwa
 - ✓ Mfumu – mtembo
- Mikuluwiko
 - ✓ Magwiragwira amapha manja
- Mifuwu
 - ✓ Ha!
 - ✓ Nda! Nda!
 - ✓ Eya!
 - ✓ Lu! Lu!
- Mvekero
 - ✓ Lowu
- Faniziro
 - ✓ Chulu – mimba yomwe amake Nthondo adali nayo.
 - ✓ Inswa – Nthondo
- Umunthu mwa mpangankhani

✓ Kwatira dziko – kukwatira kubanja lachifumu.

5. Matanthauzo a mawu

- Khwisula – thira nsembe chifukwa cha mavuto
- Malimwe – nyengo yomwe anthu amayamba kukolola mbewu.
- Nguwo – chikopa chovala komanso kuberekera mwana.
- Dewere – chovala cholukidwa pogwiritsa ntchito tizingwe taluzi chomwe anthu akale ankapanga.
- Mbereko – nsalu yom’berekera mwana kumbuyo
- Chipindatchika – dipo (ndalama kapena zinthu) limene mkazi amapereka kwa akuchimuna mwamuna wake ngati atamwalira mopanda kuwadziwitsa akuchimuna zamatenda amwamuna wakeyo.

Maloto a bambo ake a Nthondo

Analota ataleMBERERA chulu ndipo adapanga litala, inswa zochuluka zinatulukamo. Adamutuma mwana wawo kuti akauze amake abwere ndi mtsuko wodzatengeramo koma ngakhale anafika kudzatenga inswazo sanathe kuzimaliza.

Kumasulira kwake

- Chulu ikuyimira mimba ya amake a Nthondo
- Zinachulukamo inswa kutanthauza kubadwa kwa mwana.

MUTU 3

UBWANA WAKE

Mutuwu umafotokoza za momwe Nthondo adakhalira komanso amachita m'moyo mwake. Umafotokoza momwe anayambira makhalidwe ake oipa, pomwe anayamba kukhala kumphala.

1. Ampangankhani

- Nthondo
- Amake a Nthondo
- Anzake a Nthondo
- Mkazi wa munthu yemwe adapitako ku Harare
- A Mdimba
- Atsibweni ake a Nthondo

2. Malo

- Msinda – pamudzi pomwe panadutsa azungu
- Nyumba
- Pabwalo
- Pamthunzi

- Harare
- Dzalanyama
- Kapata
- Kabula
- Lilongwe
- Diamphwi
- Linthipe
- Zambezi

3. Mfundo zikuluzikulu

- Bodza
- Chisoni
- Njala
- Chifwamba
- Mwano
- Chikondi
- Kusirira
- Kusangalala
- Kusaweruzika
- Umphawi

4. Zipangizo

- Zining'a
 - ✓ Owolowa manja – wosamala akakhala ndi zinthu zomwe ena alibe.
 - ✓ Kukhosi kwada – kuchita nseru
- Mimvekero
 - ✓ Deruderu – pita uku ndi uku
 - ✓ Myaa
 - ✓ Tuluku – kutuluka mwadzidzidzi
- Mifumu
 - ✓ Mayo!
 - ✓ Ha!
 - ✓ Kalanga ine!
 - ✓ Zuleni!
- Mikuluwiko
 - ✓ Zengerezu adalinda kwawukwawu
 - ✓ Pano mpathu nkulinga utakhuta

5. Matanthauzo a mawu

- Zipsipsi – zotsalira munthu akamaliza kudya nzimbe
- Mbota – ulusi womwe munthu amasokera chovala pa makina kapena chovala chikang'ambika.

- Kufwirisana – kugwetsera pamchenga motuwitsa.

MUTU 4

MAULENDO AKE

Mutuwu umakamba za momwe Nthondo ndi anzake adayambira maulendo awo opita ku Harare kukasaka chuma atasilira anthu opita kumeneko mmene amavalira, kusililita kwa nkomo lake komanso chuma chomwe amabwera nacho. Komanso mmutu umenewu tikuonanso momwe makhalidwe ake oipa ankerankera kuipirabe ndiponso kuyamba kwa maloto amoyo wake.

1. Ampangankhani

- Nthondo
- A Mdimba – adatsogolera Nthondo ndi anzake pa ulendo wopita ku Harare.
- Mdzitula –msuweni wake wa Nthondo
- Msirikali
- Atsibweni ake a Nthondo
- Mphunzitsi
- Mzungu

2. Malo

- Buwa
- Lilongwe
- Dzalanyama
- Diamphwi
- Kapata
- Mtupanyama
- Kabula
- Zambezi

3. Mfundo zikuluzikulu

- Bodza
 - ✓ Nthondo kunamizira kudwala.
- Kupsa mtima msanga
- Kuba
- Maloto
- Ndeu
- Milandu

4. Zipangizo

- Zining'a

- ✓ Mafupa okhaokha – oneka wowonda kwambiri moonetsa mafupa pathupi.
- ✓ Ali maso
- ✓ Chigwirana manja – kusinthana zinthu.
- ✓ Ida m'maso – fooka ndi njala.
- ✓ Kusandiona ndi maso abwino – kusakondwera nane.
- Mikuluwiko
 - ✓ Phukusi la moyo sakusungira ndi mzako.
 - ✓ Kuona nkumodzi
 - ✓ Kumanda sunkira dumbo – palibe munthu amene amafuna kufa.
 - ✓ Pita uko sikuyenda.
- Mimvekero
 - ✓ Jega!
 - ✓ Ndwi!
 - ✓ Nge! Nge!
 - ✓ Pu!
 - ✓ Dzidzidzi
 - ✓ Mbu
 - ✓ Balamanthu
- Mifuwu

- ✓ Munthu uno! Munthu unoye!
- ✓ Ha! Kalanga ine
- ✓ Bulangete langa
- Zifanifani kapena Ntchedzero
 - ✓ Adakhala ngati munthu wokhulupirika

5. Matanthauzo a mawu

- Sisima – lira mosamveka liwu kapena mwakachetechete
- Chitsopi – mtengo wosongola mbale imodzi
- Shala – chipanda chomwe amalumikiza ku zansi kuti maliwu kapena mawu azimveka bwino.
- Njero – chipangizo chomera ndevu kapena mduliro m'mbali mwa mutu chimene chimakhala ndi mbali ziwiri.
- Ntchuwa – masewero a bawo
- Kudziipsa – kudziipitsa
- Guta – mpanda wolimba kwambiri umene umazungulira mudzi kuti adani asalowe.

Magwero a maloto

Alipo awiri:

- a) Zinthu zomwe munthu wolotayo amazidziwa, adamvapo kapena zidamuchitikirapo.

- b) Zinthu zomwe munthu wolotayo sazidziwa kapena sanamvepo kapena sizinamuchitikirepo.

Maloto a Nthondo

Analota maloto awa:

- a) Adalota akulowa mdzio lamdima, maso ake osaona bwino, mnyamata wina amene adalasidwa kumunda unja akumunthamangitsa, koma osaonetsetsa, amangoona mano ake kuti adasanduka aatali. Nthondo adayesera kuthawa koma mnzakeyo sadamleke.

Kumasulira

Malo amdima atha kuimira “*ndede*” popeza imakhala ndi mawindo aang’ono aang’ono komanso kulosera kumangidwa kwake ku Harare (ataba nkhuku ya mzungu)

- b) Adapita ku uzimba pamodzi ndi anthu ena, ndipo mikango iwiri idayamba kumupitikitsa, nimugwira ndi kumudya.

Kumasulira

Mkango *umayimilira ufumu* ndipo munthu akalota mkango ndiye kuti akulota zokhudza ufumu. Malotawa akuimira kuti Nthondo adzalowa ufumu.

Mawu oti *nimugwira* akuimirira akazi a m'mudzi mwa a Chembe adachita kugwira kapena kusankha Nthondo kuti ndiye adzakhale Mfumu Chembe.

Mawu oti ...*kumudya* akhoza kuimira mafumu ena adzamveka ufumu Nthondo.

Kufanana kwa maloto woyamba ndi achiwiri a Nthondo

- Adalota akuthamangitsidwa
 - Adagwidwa kapena kudyedwa
- c) Adalota munthu wina yemwe adavala nsalu yoyera. Adali ndi ndodo yowalandipo amamloza ndi ndodo yakeyo ndi kuti “*ndidzakulanga ukapanda kusiya zoipa zakozi*”

Kumasulira

Munthu ovala zoyera akuimirira mngelo. Komanso *zoyera* kapena *yowala* akuimirira chiyero. Mulungu amamulangiza kuti asinthe mankhalidwe ake.

- d) Adalota atate ake omwe adafa akupha kapena kuweza nsomba ndipo Nthondo adapemphako koma adamukanira nati “*iwe si ndiwe mwana wanga chifukwa undichititsa manyazi ndi kuba kwakoku*”

Kumasulira

Munthu akamalota akupha nsomba ndiye kuti amakhala ndi mwayi wopeza thumba la ndalama, koma ngati zili zoterera, zimalosera tsoka (sangathe kukhala ndi mwayi)

Limasonyezanso kuti m'mudzi kapena abale ake samakondwera naye pa mankhalidwe ake.

Nthondo sankapha ndiye nsombazo, kulosera kusauka kwake ngakhale amapita ku maulendo kosaka chuma.

- e) Adalota akupita ku dziko lachilendo ndipo adapeza anthu ena omwe amazunka ndi moto wophulitsa maso awo, ndiponso adaonanso anthu ena amene amaimba nyimbo zambiri zonga zimene adamva msanazi (atagona ku mmudzi wachilendo pa ulendo wawo wa ku Kapata). Gulu lilironse lidali ndi mwini wake (tsogoleri). Kugulu lakumotolo kunali munthu woopsa wanyanga ziwiri ndi mchira wamoto kunsonga kwake. Koma gulu linalo lidali ndi munthu wamtali wovala zoyera m'thupi lake. Pamene adafika Nthodoyo, atsogoleriwo adayamba kumulimbirana, munthu woopsayo adamkumatira pamimba ponsepo, koma munthu wabwinoyo adangomugwira dzanja. Tsono munthu woopsayo adanena kuti, *“tayireni munthuyo ndipita naye*

chifukwa ngoipa,” winayo adati “ngwanga, ndidamgula.”
Pamene amamlimbirana motero Nthondo adauka.

Kumasulira

Moto wophulitsa maso akuimirira Jahena.

Anthu ena omwe amazunzika ndi moto akuimirira ochimwa.

Anthu amene amayimba nyimbo zambiri akuimirira olungama.

Munthu woopsa wa nyanga ziwiri akuimirira Satana.

Wamtali wovala zoyera akuimirira Yesu Khirisitu.

Ngwanga ndidamgula akuimirira Yesu Khirisitu amene adafera moyo wa munthu ndi mwazi wake.

MUTU 5

UKULU WAKE

Mutu umenewu ukukamba zamoyo wosithika wa Nthondo pamene adasiya zoipa zake kukhala ndi moyo wabwino.

1. Ampangankhani

- Nthondo
- A Mziza – adali ndi mkazi wathupi losasalala.
- A Mzingwa
- A Kachipere – adapereka munda kwa Nthondo

- A Dzeya
- A Chikunje
- Mzungu
- Nkhoswe zakuchimuna komanso kuchikazi

2. Malo

- Mjondo – kwawo kwa mkazi wa Nthondo
- Domwe
- Kapata
- Kabula
- Kapeni
- Buwa
- Mvera – komwe kudali mizinda yometera anamwali
- Chikho – mudzi womwe kudali mowa wa mizimu
- Buwa
- Linthipe
- Zambezi

3. Mfundo zikuluzikulu

- Ubwino wokhala ndi mkazi (ukwati)
- Kufunsa ndiko kudziwa njira
- Kukhala ndi makhalidwe oyenera kuchikamwini

- Kufunitsitsa kwa mafumu pokhala ndi mzinda

4. Zipangizo

- Mifuwu
 - ✓ Ha! Ha! Ha!
 - ✓ E!
- Mimvekero
 - ✓ Lenjekelenjeke
 - ✓ Thi!
 - ✓ Balalabalala
- Chifanifani kapena Ntchedzero
 - ✓ Sadzakhala ngati kamunthu koma ngati kagalu kachabe
- Zining'a
 - ✓ Adandigwira pa moyo – adandithandiza kwambiri
 - ✓ Lawa kagaga – kudya nsima molawa chabe
 - ✓ Kumtimaku – m'maganizo mwangamu
 - ✓ Pamzere wa mphasa – pamene mwadzuka (pamphasa)
- Mikuluwiko

- ✓ Masiku sakoma onse – munthu sakhala ndi mwayi tsiku lililonse
- ✓ Kakumva kalemya, kanthu umadzionera – zakumva kuchokera kwa anthu ena zimatopetsa kapena sizabwino koma ndibwino kudzimvera wekha kapena kudzionera wekha.
- ✓ Mwana akalirira yanga yamsatsi msemere kuti imfotere yekha.

5. Matanthauzo a mawu

- Ayiya – agogo
- Kamphambe – maonekedwaa ubweya wa nkhuku yamawangamawanga otuwira.
- Thendo – ndiwo zaphwetekere zosakaniza ndi nsinjiro
- Chi (psipe) – mtundu wa udzu wamaonekedwe obiriwira motuwira omwe uli ndi mphindikatu zitalizitali za mphako mkati.
- Kukhwisula – kupereka nsembe kwa mizimu.

MUTU 6

UFUMU WAKE

Mutuwu ukukamba momwe Nthondo adavekedwa ufumu wa Chembe, atsibweni ake atamwalira. Nthondo paufumu wake adali odalirika komanso okonda anthu ake.

Mutuwu ndiwo ukutionetsera kumwalira kwa atsibweni ake komanso Nthondo mwini.

1. Ampangankhani

- Nthondo
- Mfumu Chembe
- Akazi aakulu pamudzi
- A Dzeya
- A Mzingwa

2. Malo

- Chembe – mudzi womwe Nthondo ankakhala, momwe atsibweni ake adali mfumu.

3. Mfundo zikuluzikulu

- Chisoni
 - ✓ Kumwalira kwa atsibweni ake a Nthondo komanso Nthondo.
- Chisangalalo
 - ✓ Kuvekedwa ufumu kwa Nthondo

- Kukhumudwa
 - ✓ Pamene a Dzeya ndi a Mzingwa adauzidwa kuti atha kuchokamo mmudzi ngati akufuna kumachita mzinda
- Chikondi
 - ✓ Pamene Nthondo adakakamiza anthu kupita kusukulu
 - ✓ Kugawira chakudya osowa.

4. Zipangizo

- Mifuwu
 - ✓ Ponda ye! Ye! Ye!
 - ✓ Ha! Ha! Ha!
 - ✓ Ha!- kufuula kodandaula

5. Matanthauzo a mawu

- Chidzingwiri – chinthu chachitsulo chomwe mfumu imavala chosonyeza kuti iyeyo ndi mfumu.
- Tetana – kuyankhulana moipa chifukwa cha chidani.

MAFUNSO A MBUKULI

1. (a) Kodi Nthondo adabadwa nthawi yanji?

(b) Kodi amake a Nthondo adali ndi ana angati aamuna?

(c) Pa nthawi imene Nthondo ankabadwa abambo ake adali kuti?

(d) Lembani chiganizo chimodzi cha momwe malonje adayambikira pamene mnyamata adapita kukauza a kwawo kwa abambo ake a Nthondo za kubadwa kwa Nthondo.

2. (a) Tchulani dzina la munthu amene adanka ndi madzi pa mtsinje womwe abambo ake a Nthondo adakamangapo ulalo.

(b) Ndi zinthu ziwiri ziti zomwe zidali chuma cha bambo ake a Nthondo?

(c) Kodi ndani adanena mawu aw: “Ha! Opusa inu, mufuna kuti nyumba ndikakumangireni ndine? Chokani! Kamangeni uko.”

(d) Kodi mawu akuti “*kotukwanitsa*” akutanthauzanji pomwe anthu amanena maonekedwe a Nthondo?

3. (a) Kodi Nthondo asanapite kumakagona kumphala, ankagona kuti?

(b) Perekani zitsanzo za ziweto ziwiri zokha zomwe zinkapezeka kubusa.

(c) Kodi m’nkhaniyi, ndi chinthu chiti chomwe Nthondo adaba pomalizira penipeni?

(d) Tchulani mavuto awiri omwe adali pakhomu pa amake a Nthondo, atate ake atamwalira.

(e) Kubusa ndi kumphala, Nthondo adaphunzira makhalidwe oipa kwambiri. Tchulani makhalidwe atatu okha.

(f) Nthondo adaonetsa kusowa chikondi kwa amakewo. Perekani mfundo ziwiri ndipo mutsimikizire mfundozo.

(g) Kodi mawu akuti, *“Tsiku lina Nthondo adapita kuminda ina pamene amafuna mbewu, atafika uko adaona zipwete zimene adabako”* ali kukukumbutsani mkuluwiko woti chiyani?

(h) Mnyimbo yakuti *“Opanira mphika alibe chete, ife tangosauka”* mukuganiza kuti amapanira mphikayo akhoza kukhala yani?

4. (a) Tchulani zinthu ziwiri zomwe Nthondo adaba ali ku Harare.

(b) Tsimikizani kuti Nthondo adalidi ndi mtima wa umataya.

(c) Tchulani zilombo zitatu zomwe adakumana nazo pa ulendo wamtengatenga uja.

(d) Mfundo ziwiri zotsimikizira kuti anzake a Nthondo adali oipa ponganizira izi:

- Ataba mbota ya mnyamata yemwe adachokera ku Harare uja mmalo moti anene kuti kabweze mbotayo kapena kuti

Nthondoyo walakwa, iwowo adati, *“ife tidapusa tikadaba zathu.”*

- Atagwidwa akuba mapira, ali paulendo wopita ku Harare, anzakewo adamuthawa ali, *“phukusi la moyo sasungirana.”*

(e) Kodi munthu wofulumiza ng’ombe amagwira ntchito yanji pa ntchito yoyendetsa ngolo? Nanga munthu yemwe amakhala mtsogoleri wa mgolo amagwira ntchito yanji pa ntchito yoyendetsa ngolo?

(f) Vomerezani kapena tsutsani kuti chikhirisitu chisanabwere, makolo anthu ankapembedzanso Mulungu. Yankho lanu mulitengere kuchokera pa mawu awa: *“Ha! Zachabe akhale kachisi? Suja timati tikathira nawo mfunde ndi kumaimbira: Mvula kolole, mvula kolole! Osakhalitsa ungoona chimvula puu!*

5. (a) Tchulani dzina la mudzi womwe Nthondo adakwatira.

(b) Kodi tikati munthu wamkutu ndi munthu wotani?

(c) Perekani chitsanzo cha malonda a mnsintho womwe atchulidwa mnkhani Mutu 5.

6. (a) Choipa n'choipa chikada sichiyera. Vomerezani kapena tsutsani mfundoyi poganizira zomwe Nthondo zidamuchitikira pa moyo wake.

(b) Potengera tanthaulo la dzina *Thondo* lomwe a Nthala adaliyika m'maganizo mwawo, Tsimikizani kuti Nthondo adali ngati mbewu ya ufumu wa atsibweni ake.